

BEL

informas

Nº 07 - JUL/83

INFORMA BULTENO DE BRAZILA ESPERANTO-LIGO

Boletim Informativo da Liga Brasileira de Esperanto

Praça da República 54-2º andar - 20.211 - Rio de Janeiro-RJ

BRASIL

IMPRESSO

ORDINARA ĜENERALA KUNSIDO DE B.E.L.

La 25an de la pasinta monato, oni okazigis la unuan Ĝeneralan Kunsidon de BEL en la nuna jaro. La venonta Brazilia Esperantisto (N-ro 278, Julio/Septembro) aperigos la tutan protokolon de tiu kunsido. Cetere, ĝi sciigos vin pri la raporto prezentita de la Prezidanto de BEL, rilata al la unuaj monatoj de lia administrado. Pri ŝanĝoj en la estraro, ni informas al vi, ke S-ro Alan Romero, pro privataj kaj profesiaj aferoj eksigis el sia posteno. Sekve, estis elektita por anstataŭi lin S-ro Joel Manso, kiu siavice estis anstataŭita de F-ino Valéria O. Santiago. Jen la nova situacio: la Sekretario-Joel Manso - kaj 2a Sekretariino - Valéria O. Santiago.

FUNKCIADO DE B.E.L. DUM JULIO 83

Pro libertempo de nia nura oficistino, la sidejo de BEL restos fermita de la 18a ĝis la 31a de la kuranta monato.

Ni uzas la okazon por informi al vi, ke ordinare nia sidejo restas malfermita al la publiko, de lundo ĝis sabato, de la 10a ĝis la 12a (matene) kaj de la 1a ĝis la 7a (vespere). Bedaŭrinde, pro manko de volontuloj kaj neebleco dungi plian funkciulon, kelkfoje - ni estas devigataj fermi la pordojn de nia sidejo, por plenumi eksterajn taskojn en la bankoj, poŝtagentejoj ktp. Tiel, se vi intencas viziti nin, bonvolu anticipe sinanonci.

ANSTATAŬANTO DE KOMITATANO "A" REPREZENTANTA BEL ĈE UEA

En la 68a U.K., en Budapeŝto, nia ano José Pedro Milagres, el Niterói-RJ., anstataŭos - Prof-on Sylla Chaves (Komitatano A reprezentanta BEL) kaj salutos la Kongreson nome de nia Asocio. Tiucele li plurfoje venis al sidejo de BEL por informi pri la ĉefaj problemoj diskutotaj.

Ni kore dankas la Prezidanton de Ilhéus Esperanta Grupo, S-ro Eleus Leonardo de Sá, kiu ankaŭ sinoferis por tiu tasko.

TURISMA AŬD-VIDA MATERIALO PRI BRAZILO - MENDEBLA ĈE BEL

Laŭ informite en nia lasta bulteno (BEL-informas n-ro 06), la entrepreno V-SON AUDIOVI - SUAIS E EDITORA LTDA baldaŭ eldonos belegan skatolon kun 80 lumbildoj pri turismaj aspektoj de Brazilo. Akompanos tiun kolekton kasedo kun teksto surbendigita en Esperanto. Interkonsente kun la Prezidanto de KKE, BEL prezentos tiun materialon dum la XVI Brazilia Seminario de Esperanto, en Ouro Preto-MG. Akirebla ĉe la libro servo de la Seminario (Cr\$ 18.000,00) aŭ mendebla ĉe BEL por sendado remburse (Cr\$ 18.000,00 + sendkostoj). Nepre aĉetu tiun belegan materialon. Ĝi estas vere instruiga kaj amuziga.

CŬ NIA ASOCIO BONFARTAS ? KONTROLU VI MEM.

Oni povas diversmaniere memorigi niajn anojn pri la pagendaĵ jarkotizboj. Jen unu el tiaj disponeblaj memorigiloj.

MEMBRARO	MS	M1	M2	DM	BM	Sume	POR INTELIGENTULOJ
1982.12.31	226	143	31	23	2	425	DUONVORTOJ
1983.06.30	193	114	15	23	2	347	SUFICĤAS . Ĉ - n - ?

SABATAJ POSTKURSAJ KUNVENOJ DE LA LIGO

Kun la celo stimuli la perfektigon de niaj membroj en la parola uzado de E-o, ni planis periode okazigi debatojn pri temoj de ĝenerala intereso, en sabataj postkursaj kunvenoj de la Ligo. La unua FORUMO okazis sabaton, la 2an de la kuranta monato, kiam oni varme debatis pri "Instruado de E-o per la rekta metodo" kaj obeis la fiksitajn subajn regulojn:

"1) Oni uzos nur E-on, nepre sen legado de tekstoj; 2) Parolos minimume 4 personoj : unu prezentos la temon (5minutoj); du parolos respektive "por" kaj "kontraŭ" la temo (po 10 minutoj); la kvara gvidos la debatojn - kiujn devos partopreni kiel eble plej multaj - ĉeestantoj - kaj resumos la konkludojn. La tempo por la debatoj kaj konkludoj estos - ĉirkaŭ 30 minutoj".

La venonta "FORUMO" eble okazos la lastan sabaton de la proksima monato. BEL - informas n-ro 8 aperigos detalojn pri la afero.

KIEL IRAS NIA VARBADO POR UEA?

Ĝis la fino de la unua semestro de la kuranta jaro, BEL sukcesis sendi al UEA 19 spezfiojn. Jen la ciferoj pri la nombro da kotizoj kaj abonoj senditaj al ĝi, laŭ kategorioj:

MJ	M	MJ-K	MA-K	Individuaj Membroj	SZ	PT	SA	Kto
6	136	4	17	163	1	3	11	28

MIRINDAĴOJ DE NIA MARO - Prelego kun lumbildoj

La 16an de la nuna monato, je la 8a vespere, en la sidejo de Academia Pedralva, ĉe la Kulturpalaco (Campos-RJ), nia samideano Alan Romero, nuntempe direktoro de la revuo "MERGULHAR", prelegos, en Esperanto, kun la helpo de belegaj lumbildoj, pri la mirindaĵoj de nia maro. Campos Esperanto-Klubo, Academia Pedralva kaj União Brasileira de Trovadores invitas vin ĉeesti tiun interesan kunvenon.

CAMPOS ESPERANTO-KLUBO : Novaj estraro kaj adreso

La 30an de aprilo ĉijare estis elektita la nova estraro de Campos Esperanto- Klubo por la oficperiodo 83/84: Prez-Vivaldo Marcelino da Silva, Sek-Jayme Alves Patrício, Kas - Luiz Carlos de Oliveira Neto, Dir.pri Instr. - Joel Maciel Soares, Dir.pri Prop. - Joaquim de Paula Codeço, Socia Dir. Kátia de Paula, Kontrola Konsilantaro - Rossini Viana-Nunes, Américo Rodrigues da Fonseca Filho e Cláudia Lília Sales de Souza.

Se vi ankau deziras sendi al tiuj samideanoj salutesprimojn kaj bondezirojn, ne forgesu rimarki la novan adreson de la Klubo: Rua Ten. Cel. Cardoso, 821 - Centro - 28100 - Campos - RJ.

PERNAMBUKA ESPERANTO - ASOCIO : Nova estraro

Ankaŭ la 30an de aprilo lasta, estis elektita, por la periodo 83/85, la nova estraro de P.E.A. (Caixa Postal 1139 - 50.000 - Recife - PE) : Prez. - Amaro Pinangé Soares, Vic - prez. - Severino Nunes da Costa, Sek. - Jannes Markus Mabesoone, Vicsek. - Geraldo Pires Sitônio, Kas- Daniel Dorta Moura, Vickas - Maria José Pontes, Bibl. - Carlos Pereira Resende Neto, Konsulta Konsilantaro : Jesus de Oliveira Campelo, Amilcar de Souza - Leão e Jayme Andrade. Finança Konsilantaro : Arnôn Ribeiro Bezerra Vasconcelos e Severina Pereira Lima dos Santos.

ASSOCIAÇÃO ALAGOANA DE ESPERANTO: Nova Estraro

Jen estas la nova estraro de Associação Alagoana de E-o (Centro Educacional Antonio Gomes de Barros - Av. Fernandes Lima s/nº - Farol - 57.000 - Maceió - AL), elektita la 11an de junio lasta : Prez. - Ezequias Alves, Vicprez. - Aristóphio Filho, Sek. - Nancy de Medeiros Silva, Kas - Maria Neide Barros Fontes, Bibl. - Maria Therezinha Carlos de Almeida Mendonça.

D-ro SADLER EN BRAZILIO

Tuj post la XVI Brazila Seminario de Esperanto, inter la 25/7 kaj la 10/8, D-ro Victor Sadler, eks-ĝenerala direktoro de UEA, vizitos plurajn brazilajn urbojn por pli bone koni nian landan movadon.

Belo Horizonte (21-24/7), São Paulo (26-27/7), Bauru (28-29/7), Londrina (30/7), Cascavel (31/7), Curitiba (3/8), Sorocaba (4/8), Santos (5/8), Volta Redonda (6-7/8), Rio de Janeiro (8-9/8), Juiz de Fora (10/8) estas la vizitotaj urboj de D-ro Sadler.

VIZITU ORIENTON SENPAGE

Se vi deziras informiĝi pri tiu miriga ebleco, ne hezitu postuli la unuan numeron de ORIENTA ESPERANTISTO (kontraŭ pago de unu respondkupono) al: Matur Turizm Oficejo - P.K. 149 - Bursa - TURKIO.